


明世法錄



明世法錄



皇明世法錄卷之三十八目次

庫庫

序言

請節省疏

摘發弊端疏

一載年例

一載會右

一載外解

節慎庫條議

一謹收放

一杜攪越

一酌邪借

一議公查

一議掛銷

一議考成

一議冊庫

一議部單

皇明世法錄 卷三十八 目次

一議牧放

一議掛欠

一議防察

一議餘錢

一議覆兌

一議邪借

一議交盤

一議近習

一議報商

一議會收

一議鑄錢

一議鉛鐵

一議陵工

一庫錢當議搭支

一年例當議緩急

管繕司

管繕司修議

三山大石窩

大石窩條議

卸重城

修倉廩

修倉廩條議

管繕司兼管小修

繕工司條議

見工灰石作二差

見工灰石作條議

清匠司

清匠司條議

琉璃黑空廠

神木廠

神木廠條議

山西大木廠

山西廠條議

臺基廠

虞衙司

虞衙司條議

皇明世法錄 卷三十八 目次

實源局

實源局條議

街道廳

街道廳條議

驗試廳

驗試廳條議

監甲王恭廠

監甲王恭二廠條議

柳水司

通惠河

六科廊

六科廊條議

器皿廠

器皿廠條議

屯田司

屯田司條議

陵工條議

目錄

皇明世法錄卷三十八

史官 陳仁 纂

廠庫

工科給事中何士晉序言

昔從戊申受事甫及三月報竣畧窺一斑條爲二疏當事者業稍稍見之施行顧于端委猶望洋其未到底也頃歲閏乙卯再承茲置日取會典條例諸書質以今昔異同沿革之數而因之釐故核新搜靈檢羨乃始憫然有概于出入之際也遂謀之水衡諸臣彙輯校訂按籍而探其額按額而徵其儲按儲而定皇明世法錄 卷三十八 廠庫

請拯商困疏

國家經費一切物料其初俱用本色取自外省後因攬納滋弊始令折銀解部該部給價召商臨時買辦是商人起于召募原非京民之正差則借其力以代外解之勞足矣而浚其囊橐可乎况錢糧止有正供

原無額外之鋪墊則責之買辦以不悞公家之務足矣而累其性命可乎乃鋪商之困也則自鋪墊始而鋪墊之濫也則自近年始昔當穆廟時商人私費與官價相半比時閣臣猶疏稱派及一家卽傾一家人心洶洶根本動搖急宜痛釐宿弊而今竟有壘官價以當私費其上納錢糧另名稱貸者矣甚至有壘官價不足以當私費既稱貸以買物料又稱貸以緩筆筭者矣嗟嗟三四疲商卽敲筋及骨剝肉及心寧能堪此是僉報一說雖欲不舉行不可得也惟是三十五年方奉旨而報而二十餘人隨奉旨而皇明世法錄 卷三十八 廠庫

免其報也公之外廷其免也得之內降舊商欲脫而未能公務久停而莫辦今如僉報而欲于先年倖免之外另求一番殷實人戶此必不得之數也卽有其人而欲使後來僉報之商不走先年倖免之實亦必不得之數也是僉報一說雖欲不暫停不可臣以爲鋪墊當議也鋪墊陋規豈容額派若干但一項有一項之舊例一年有一年之新增惟請奉嚴旨令該部革其新增還其舊例大約以所領之錢糧先儘辦所需之物料剩有贏餘卽爲墊費則公私兩盡而畫一可遵如有私墊是圖盡奪其關領之價者聽

白商料柴望 陛下必舉不肖又以爲貼從當議也
新商既不可報舊商愈不能支法府必變其若以買
辦之役聽該部自行召募擇動擾煩練者十數人分
撥四司應用然此十數人者止取其習熟原非殷實
之鋪商雖領有號牌宜無各項之倍費又不可不爲
之設處似宜略徵舖實舖行規則凡 京城舖面不
論南北照本出銀名爲貼役如恐小民不堪重累則
請于下等淨舖量行豁免其上等中等舖面分爲六
等納銀有差則重累可謂也如恐通呼或至驚擾則
請行五城御史嚴飭兵馬不許差人第每坊分爲數
段每段就開舖正身中擇其忠實能幹者二人爲一
正一副領官簿一扁公同議妥開填數目若有徇私
隱捏等弊正副連坐則驚擾可禁也如恐內監借爲
口實願欲愈奢則請將此銀貯之順天府庫不與墊
費無干凡買辦諸役內有差苦力竭者聽該部斟酌
支貼不得一舉混替年終仍聽巡視衙門查覈儘有
剩存下年可以接濟且緩再征至用盡始行前法使
各舖樂其輕而中涓絕其望則口實可杜也是所謂
寬其力而調劑之者臣又以爲交納當議也年來醇
勳商役每在交納錢糧之一關而交納之最苦者尤

莫如惜薪司柴炭之一項自今請于交納時該司移
會該監將應納錢糧貯之公所官與面交如期而辦
如約而會如數而納其議定鋪墊亦用印封總交本
監任其領回自行分給藉有借名抑勒希圖苛索者
徑聽該部察處前所召募諸人名爲雇役身非舖商
賞罰去留俱統之該部是所謂恤其苦而調劑之者
臣又以爲改折當議也凡年例 題辦錢糧內有急
需本色者該部自應召買無庸置喙然亦有各監自
用不必本色者又有可以通融移用不必急辦者併
責之于該部甚難而分任之于各監甚易故今卽不
皇明世法錄 卷三十八 四

段每段就開舖正身中擇其忠實能幹者二人爲一
正一副領官簿一扁公同議妥開填數目若有徇私
隱捏等弊正副連坐則驚擾可禁也如恐內監借爲
口實願欲愈奢則請將此銀貯之順天府庫不與墊
費無干凡買辦諸役內有差苦力竭者聽該部斟酌
支貼不得一舉混替年終仍聽巡視衙門查覈儘有
剩存下年可以接濟且緩再征至用盡始行前法使
各舖樂其輕而中涓絕其望則口實可杜也是所謂
寬其力而調劑之者臣又以爲交納當議也年來醇
勳商役每在交納錢糧之一關而交納之最苦者尤

敢謂某項可省某項宜折但有內監願領部價驗數
自辦者或不妨折價與之自後 上供物料間之該
監必無使侵漁買辦價值問之該部必無使欠缺則
原額不改何悞于 公需墊費可省實便于部役若
各衙門小修小差等項既乏商人承值亦宜照估折
銀聽其委官自行修辦是所謂分其責而調劑之者
臣又以爲倉會有當議也查工部四司條例凡 內庫
有見存卽移會取用必 內庫無見貯始召商買辦
開載甚明近緣鋪墊欲多雖例稱倉有者亦概捏合
無及商人買求既足則向報會無者又倏稱倉有自

今宜申明 舊制不論 內庫外庫所有物料先儘

支用不許以有為無致滋需索其累係會無者方行
該部給價買辦或京中買辦不足查照初年外解事
例撥文該省督解本色但令解後授部發收一毫不
涉內監似亦可行是所謂嚴其冒而調劑之者臣又

以為預支當議也遇來工作繁興支領分集外解之
題留既難事例之擾納漸積庫藏甚虛預支罔措

以致商人鑒門投券無米督餉且向係舖商責無可
諱今改為募優力益難堪可從如前之措給予宜令

工部四司核會各工分署五查必酌所需之緩

皇明世法錄 卷三十八 風庫 五

急定所支之須寡不得一無混議使庫中無惡稽覈
則出入之間或可節約以為預支之地即預支不能

一時盡給而先其所急彼承辦者亦自樂于趨赴矣
是所謂綜其要而調劑之者臣又以為冗濫當議也

先年內監提督不過數人其司房書役及工部四司
各工書役俱有定額故盤食者少而商因可蘇邇來

內外衙門多方營進人數愈多頂首必重開有一役
而四五千金不止者或索分墊費戶 勅對同或延

捺實收或誅求打卯商人種種蠹害誰非此輩之為
也請自今 陛下嚴勅各監查照舊額凡冗員冗役

悉行汰革而該部諸司尤宜自行清理則窟穴漸減
吞噬漸輕如前所稱積弊內外諸臣逐一留心禁止
不惟募役可久抑且新商可食是所謂滌其源而調
劑之者

請節省疏

庫中宜有畫一之規而厥內甚多無益之費并奉

聖裁恐難遵守臣謹採與議為 陛下直陳之其一

領狀當酌夫領有預支有實收有扣銷有找給一經

掛號即投該庫似無非當發者但實收已經對同而
預支每無限暈物料猶有題數而夫匠任憑混開一

皇明世法錄 卷三十八 風庫 六

領動輒萬千一人動持數領該庫匿莫能支紛無以
應勢不得不填委生塵而應支者反為不應支者所

壓則涇渭不分應支而拙者又為不應支而巧者所
奪則苦樂倒置甚有庫無見給將此印領抵當于富

豪于貴戚減十得五而五之數專歸夫匠之項從五
加息而十之數且盡歸勢要之宅究竟本工不得細

該司不及察而眾夫眾匠仍無接濟則本工之呈請
繼至而該司之印領又發矣此今日之一大漏卮也

可嘆也臣初視事見印領委積請討謹然而文移案
牘中止有給發而無完銷故凡有可疑嚴為查駁不

取輕准掛號卽四司每千下庫之期會率催請臣必就單中覆覈明確方准給放總爲同母既詳等語然此領狀之多在該部司屬中國有痛言其爲弊實者非臣一人之臆見也合無自今爲始將從前未完領狀通行一查應補給者補給應停扣者停扣應註銷者註銷各司彙具一冊送巡視備查以清積牘以杜影射嗣後商匠夫役呈請錢糧必本工查其前次所領完過若干今應再給若干備送該司勘限回報如完不及數該司卽宜聚還其及數者覈實記登酌數給領領狀與手本內務將完過工料詳開總數不必

皇明世法錄

卷三十八

庫

七

花各各用印記鈐蓋送臣等衙門掛號號簿內卽照數登記存爲成案下庫日必盡數支放無至延留蓋冒領者既絕則應領者自簡然後一宗可完一宗一號可清一號日前之給發既有的確而可無混出之虞他日之對同且有細微而可作實收之驗此不過一紙之內稍寬尺幅稍增數行而處處可以照會人咸知警懼凡所稱日報月報循環等冊寧有簡便真確于此者乎彼狡猾之徒雖欲鑽營請託妄覬冒支安能担未完爲已完而該司與本工責有專屬又安得不秉公查覈也故酌領狀而嚴其冒乃節省之

一助也其一關防當慎該庫錢糧雖不及戶部太倉然每歲出入總計一百五十餘萬所關大工河防軍器年例等項亦至鉅也奈何不做太倉規制而漫令庫官敲兌司吏看銀諸胥隨役雜沓其中解戶攬頭通同爲政或入而包納則輕重之間無不得心應手或出而扣除則商匠之苦甚于剗肉醫瘡據臣所目擊蘆稅百金開匣化爲烏有例銀一錠轉眼便作飛塵攫取每見公行追補視如兒戲甚至寄小庫以起已發之銀指羨餘而盜正支之數此輩視節慎一庫盡若私藏而安得相沿不問也合無自今以後畧

皇明世法錄

卷三十八

庫

八

照太倉銀庫事例因竊列棚重關嚴限看銀擇一匠役敲兌擇一庫役寢食在內每季一更庫官庫吏第令司啓閉之常登出入之數務須隔遠不許沾手其餘丁供事者允畢必搜簡而出若銀有低假有短少許諸人卽時面稟將匠役庫役盡法叅送如此不惟竊取無從抑亦扣起可免故慎關防以絕其實亦節省之一助也其一修造當議盛王二廠額設軍匠一千四百四十二名戶曹月給米一石工曹人扣銀五錢統以匠頭督以年例立法之初未嘗不善自以民冒軍而小匠爲虛籍自得三除五而匠頭皆寡人修

造畫是空冬戎器毫無實用前巡視議裁其米以還
太倉切中膏肓誠爲遠慮乃該部猶執平例之成規
以湊月糧之舊額此所謂捐有用以就無用甚可惜
也且臣查每歲修戊字庫盈甲三萬副腰刀三萬把
預造盈甲二千五百副所費不下二萬四千金而
各省所造解堆積庫中至不可勝數詎不稱有備
無患然而布襯稀疎鐵葉易朽修者與解者並屬不
堪解者積之逾年而後修修者積之逾年而改造總
歸無用則奈何以糜飯塗羹之具糜國家百千萬
億之金錢也設一旦有意外之虞勢不得不更造以
皇明世法錄 卷三十八 廢庫 九

以滋冒破計如明盛明甲乃儀衛中之不可缺者臣
昨詳加估計使該營善于收藏實無事歲修惟歲修
額定而匠役與將領反通同爲市修者利其不堅收
者利其速壞內監又從中利其鋪墊此兩弊所以無
寧期而錢糧所以成沃釜也至于歲修歲辦有必不
可免者亦宜專官監督信賞必罰庶免虛冒故議脩
造而求其實亦節省之一助也其一弓箭當折語云
器械不利以卒予敵我國家恒安弛式凡解捍敵
之具盡失其初而弓箭一項尤爲害責今查戊字庫
所貯弓不下數十萬箭不下數百萬亦既稱多矣乃
皇明世法錄 卷三十八 廢庫 十
當外解驗收之時固已剝羽脫金裂弦反角藏之浹
歲使京軍關領而出彼止換錢數十文于敵愾毫無
當也近該工部議行旨直刻官匠姓名于上似乎振
刷然解官越數千里解至即不合式動云開關苦楚
驗廳之駁回者能幾即驗廳盡欲駁回而解官且多
方囑托恐終掣肘難行勢必因循如舊合無自今以
後行令各省直將弓箭弦條折色解部遇兌換之年
徑以價給軍俾擇其精者買用實爲兩便如欲多備
卽着兩廠匠頭每年量造若干巡視衙門驗果如式
然後送該庫收貯則既不廢其成規亦不失其鋪墊

京軍得有實解官可免賠累計莫善于此者故折
弓箭而更其制亦節省之一助也

摘發弊端

竊照該部一切工料勢不能不取辦于商匠諸役而
商匠諸役欲圖接濟勢不能不取給于預支其預支
也有原題有年例有傳造有預估有小修其各工有
日報有月報有循環其會計有對同有實收有扣銷
有找給法非不密而無奈濫請者之因緣于卒贖也
又無奈濫給者之密移于左右也其憤者疎者不能
察而猶鼠同眠簾簾不銹者且滋其蔓遠不具論即

皇明世法錄 卷三十八 嚴庫

士

萬曆三十年至今營膳司冒領預支銀一十四萬二
千四百九十兩有奇虞衡司冒領預支銀八萬六千
六百兩有奇都水司冒領預支銀一十一萬二千九
百七十兩有奇屯田司冒領預支銀五萬一千一百
八十兩有奇合之則三十九萬三千二百四十六兩
餘也夫此數十萬金錢誰匪民膏誰匪 公帑而竟
屑越于諸奸之谿谿若不設法以清已往以杜將來
竊恐預支二字便是水衡之尾閭該庫之漏卮而後
且莫知所底宜令工部四司先將拖欠各役逐名查
審果力尚能完不妨留用或人亡產盡姑與計銷其

餘則有截追之法彼方藉口于給新完舊孰知其借
舊以騙新彼又幾俸于那乙補甲孰知其媒甲以圖
乙故截住行追毋容再領一法也又有扣抵之法此
有完而彼有負數或相當完宜找而負宜償例應移
會故扣明准抵毋容互推一法也又有帶銷之法夫
夫匠未有能盡舉者也今日革而興工必且復用明
日用而工食即可帶除給八銷二則人情不苦亦一
法也又有帶比之法夫吏書未有不通同者也新役
或容量免積習必充烹分一體比追則前件易結亦
一法也凡此皆所以清已往也欲杜將來其法更有

皇明世法錄 卷三十八 嚴庫

士

詳者夫歷年未支之領狀前官停給之實收司庫中
不無充棟宜令工部四司備查四十二年以前領狀
實收共若干內有原未領亦有領未全者內有未找
給亦有半找給者俱截日停止通行覆覈銷其舊領
驗其實收真則易新領而補支實則據法律而叅送
移會巡視衙門分別揭示以絕諸奸覘覷實錄之念
是之謂清其源該部所遵行者 會典耳條例耳水
部備考耳邇來鋪墊日增不有刊規誰為承鑒宜令
工部四司將條例諸書查照今昔事宜酌議增減其
項應遵 祖制其項應奉 新綸悉行改正題請

聖裁永爲畫一章程。庶免紛紜。枘鑿臣等亦擬摘其大凡。并先後諸臣條議。凡有裨于節省者。彙刻厥庫。須知一冊。新舊交代。執以相傳。則預支之緩急。多寡一覽洞悉。卽神奸能復影射乎。是之謂定其制。往歲該部題議。月終實收。年終會查。法最簡便。奉有欽依。乃今多憚而中止。臣等更議一領狀新式。以要前法之必行。凡領狀後。接粘一紙。備開某項工料。原額若干。已領若干。今請若干。其今領之數。必完及八分。方許再領。而八分完數。以其總填入領內。以其撒載入循環。俟下次領到。查其總撒分數。合則掛給。不合則駁回。其前領二分未完。仍于續領內帶銷。由是領千必銷千。領萬必銷萬。捐一時磨對之勞。省日後無窮之弊。何至經年累月。一對同之難出乎。至于會查一法。不但各工宜與四司會。四司宜與該庫會也。如大工十庫。各巡視衙門。凡與厥庫錢糧有干涉者。四司并宜移會。互查明白。方許奏繳。其會查底冊。及一應緊關文簿。應比照各部例造一冊。庫另題司官一員。專管稽覈。以防竊換。洗補諸弊。斯該部最弊繁事也。卽厥庫文移。填委總係錢糧。關防宜慎。亦不可不令該部酌議一封識之所。是之謂扼其要。往

皇明世法錄

卷三十八 厥庫

十三

例歲終奏繳。另有查叅拖欠一疏。然止及商匠。而不及官吏。自今宜著爲令。如非常營建。題定一官爲終始者。功過俱當另議。錢糧自有責成。無庸置喙。其餘四司監督業以一官營一職。凡任內請給銀兩。必本官盡數完銷。部司覆查無異。移會巡視。方許與接管交代。如果拖欠數多。冒支有據。每歲終容臣等比照考成事例。移會該部。將本官及經承吏書酌入查叅疏內。其欠役與經承。卽聽本官自比。若能依限追完。仍不得其考滿陞遷之格。惟內有要案。臨勢難終局者。宜將已未完數目。備造對圖。五大一留。本官皇明世法錄 卷三十八 厥庫

一送接管。一送部司。一送巡視。一送工垣。查無別弊。聽其離任。至于拮据勤勞。更自風清弊絕。諸司內儘不乏人。該部堂官廉訪的確。宜咨銓部。破格優擢。以示風勵。使人知嚴罰在前。異數在後。誰不悚然加旌。是之謂重其責。凡此皆所以杜將來也。臣等又以爲餘銀之弊多端。不可不革也。該庫歲報羨餘。不過千金有零。而貼解冬衣布花。及該部堂司公費。工食等項。約用三千餘兩。皆取足于餘銀。而不知餘銀實未嘗有也。吏胥借報羨之名。每重入而輕出。完庫因堂司之取。或假公以濟私。于是乎害中于下。衆口之所

不平者或一兌而差數兩或一兌而差數十兩則何以抗顏于上矣害中于上而官之所支盤者或一匣而少數十兩或一匣而少數百兩則又何以有辭于下矣上與下俱受餘銀之害而獨諸胥飽餘銀之利皇上亦何愛于千金而開此無窮弊竇哉况餘銀一輩則出入皆原封敝兌無高下與情盡也百靈俱清皇上各雖歲少千金而不知所得更倍于幾千金也如該部以貼解工食等銀必不可已臣等業有銀錢九一兼支之議矣查該部給錢舊例以五百五十文准銀一兩故夫匠不願領錢以致庫中貫朽今

皇明世法錄 卷三十八 賦庫

五

議隨時定數大約六百文以外各役無不願者搭一分于十數之中以通錢法扣三文于一錢之內以抵餘銀四司一體通行積羨還歸公用是在該部司一洗從前陋習耳臣等又以爲事例之弊多端不可不覈也國家時誦舉贏權開援納已非政體而持籌者復寬之以示招徠包攬者遂乘之以圖僥倖于是赴司出帖則那移項款視原題故作朦朧赴庫納銀則鉛錫雜投致給放類滋物議甚且有原納吏役而巧竊儒監之查文甚且有銀不到庫而假冒吏工之印信彼其恃包攬而陰陽播弄至不可方物夫若輩

操蹄望歲梯之爲榮進而爲之爲漁獵者也今猶强半賈售國家亦何利焉即責之領筭鑒名該司出帖時先驗足而後移掛號亦不爲過倘放之日查出低假徑提原納員役與看銀吏役並坐以法庶幾洒然一變然非成錠非鑄名胡由認也若每季工部曾咨過若干各吏部准咨到若干各該庫上納過若干各三處會查斷不可少而行移則工部該司爲政近議戶七工三每歲戶開八月工開四月此開彼停允宜爲例如欲兩部同開總算取此與彼頭緒混淆反多不便况例款隨時增減兩部互有異同所當併一

皇明世法錄 卷三十八 賦庫

六

裁訂而申明者也臣等又以爲外解之弊多端不可不飭也國家一應物料取自外解顧有折色有本色所從來矣折色納于節慎庫其弊有領換有掛欠有倒批所得而禁革者也本色納于內庫惟鋪墊是圖解官輒通同爲市于是有原解折色而故買濫惡抵充改納本色者有原解本色而匿其精以自鬻易其偽以投庫者又有本折俱不入庫反稅出庫中之物以爲驗而徑取批收去者弊至此而極矣法至此而窮矣祖宗之制雖本折兼用然必以會有會無之數定外解召買之規勿令缺乏亦勿令朽蠹其

甚善何至今日而明係會有捏稱會無明該折色
張爭本色宜令該部移會巡視庫藏衙門將歷年解
到物料分別管收除在的數各若干每季一查使會

有會無不混撓于該監歲終一報使應折應本且額
定于題知板本塞源計無逾此第會無而解本色
每多低假不堪又須該部明開款樣移文各省直撫
接衙門選委廉能佐貳官督買物料必用印封進內
督造軍器必刻官匠姓名其解官即用承委官到京
查驗有不如式者輕則追換重則題參處責無可
卸而外解皆有實濟倘外解一時難湊該部不妨量
皇明世法錄 卷三十八 賦庫 七

行召買總期上佐 公家之急下隄耗蠹之觴而已

議約

一載年例

各項造辦有一年二年三四等年有不等年間行題
辦者悉照條例并近時釐正者開載不得潤淆但此
等除歲供外多係昔時偶造而監局視為歲額因仍
奏請部臣執爭不得拘定年限者即歲額不無一二
可減餘可停造壓造者甚多

一載會有

各廠庫會有物料都非實有尚存名數以見舊額相

應每歲查一實在數目分置各司各差以便隨時料
辦缺者偽者皆責典守賠補庶不致有名無實紀載
成虛

一載外解

量入為出用如有經第 國家有不可測之出如不
時題辦者冊籍之所能載存為故牒亦有不可常之
入如歲時蠲欠者冊籍之所不能載難為定額典計
者固當以此較量贏縮尤當於此預備常變上下共
存節省可也

節慎庫條議

皇明世法錄 卷三十八 賦庫 八

一謹收放

庫中收入錢糧如各省直料價稅銀及員役援納事
例俱有批文及庫帖可查不致朦朧惟支放各項頭
緒紛亂近依新例各監督掛號訖始于四司印給領
狀又呈堂註閱訖字樣總單到庫方准支給定無有
影射而開出者但窟穴甚深臨時須磨勘應給與否
應給者亦須斟酌于緩急多寡間恐出庫以後奸商
償債糜費緣手立盡爾時悔其濫與晚矣至呈久錢
糧卽有証據定屬可疑度閫不發不得以留難議也

一杜撓越

解納關領人等欲速念重鑽託分上希圖撓越七後失倫安在畫一之守今議應收應領俱以掛號前後為序挨順年月不許紊亂本庫接籍收放作速完局如響應聲無所留難自無所容其請託矣

一酌那借

四司錯擗偶值缺乏輒相那借以緩急雖屬同舟之誼然彼此不相關白祇移會庫中那移銷算遂噴有煩言今出納者相顧無色夫錢糧雖同貯一庫原有分屬那借不已贏者易詘非常法也又奸商明知缺乏急于果腹朦朧由領一經掛號即通同庫中吏書皇明世法錄 卷三十八 擬律 尤議 指稱舊例揚揚攫取而去寧計其非本司物哉今後偶有缺乏非有軍國重大事務不妨停閣以待本司外解之至即欲那借各司關白停妥移會到庫然後給發

一議公查

事例之弊千蹊萬徑非盡援納買役自為之而強半則由包攬夫包攬非他人即衙門積慣于舞文巧于竊符串結吏禮工三部諸胥犄角而承分者也故有納吏而竊監儒遙授而冒實歷乞一年而混數年其假庫收假印信玩弄股掌視如兒戲必每季工部

發文三部將咨收各數與節慎庫三處對查前弊斯什

一議掛銷

外解事例有掛必有銷乃有銷數不與掛數合者弊在該庫應于收銀時取批帖為驗銷號時取收簿為驗彼此互照而情窮矣惟是弊有在掛銷之外者如外解于批文內改多作少以少數入庫而復以多數回銷又有不掛不銷銀未入庫而倒批以去在省直則云已解在部司則云未完兩無照會摘發何由此其弊甚神甚大不可言也今議巡視衙門于解批投皇明世法錄 卷三十八 擬律 尤議 掛之日即給一票票式首列由議大則計開一行為

某事據某省直或某府州縣差某解某年某項錢糧共若干一行限某月日納庫下註本解不許違限庫役不許留難一行某月日收訖仍限某月日赴署于本流下註完訖二字一行某月日註完訖仍限某月日赴部領批文回銷一行限某月日該省直某衙門官吏查對批票數目相同隨具文將原票繳部仍送巡視衙門查原號註銷如有互異並行查究夫此一票也前與後對內與外對司與庫對司庫內外前後又無一不與巡視對即批文可假繳票難移省直各

衙門仍于歲終構造一冊申報已解未解的數于部
司部司移會巡視以總稽其完欠之實雖有神奸惡
不能復施其伎倆而掛銷之法始備

一議考成

原題所謂考成非求多于在事也蓋向來預支混發
拖欠數多追比徒煩分毫莫吐且因交代之不明動
見彈章之波及為國為身兩屬不便故議責成當事
與經承吏書凡任內放過錢糧如依新式查出實收
安得有欠萬一有欠聽其勒限追完方許交代不則
歲終查桑欠役且得並議其經承所以示欠者不得
皇明世法錄 卷三十八 職庫 主議

一議冊庫

署中向無冊庫案卷漫失且諸胥有所不便輒恣意
竊毀之積弊無從弊竇百出今既題明就署左數
楹列冊局囑改為冊庫內置十厨簡從前故牘挨年
編號什襲其中嗣如克棟不妨遞增要無使漫失竊

毀之患復滋于異日亦惟是巡視者謹持其鑰而躬
臨啟閉仍委庫官朝夕攝防之則顯攻狐兔之窟陰
消城社之魂胥于此庫有賴矣

一議部單

向來領狀一經掛號即投庫候發然領多而發不及
緩急多寡又宜裁酌故本科于戊申年接差後議取
司查堂閱一單每于下庫之前四司掌印將明日應
發錢糧再加詳定彙單呈堂批註送庫巡視者止就
單內查發非單所載一切不行放完即將單領粘附
一卷此不惟巡視絕瓜李之嫌且令堂司專出納之
皇明世法錄 卷三十八 職庫 主議

一議收放

每月四九日下庫先收後放此舊規也惟解領員侵
各利于速而吏胥或操撓越之權則出入寧免需索
之弊今斷以巡視掛號及堂司單到為前後收放之
序庫簿內明開某一件該銀若干或該錢若干科院
某日掛號堂司某日發單由前及後並不容越次且
各解執有納票限定月日到庫繳驗如有撓越其弊
不在各解即在庫胥究明重處

一議掛欠

事嗣之銷藉邀各器非責連于窠人子也。領錠鑿名自無容欠其外解者皆直之平與內庫之平原較。畫一非私傾竊換及剪邊去銖欠亦何由夫欠而補似為寬政乃延挨日久遂有補不及原數者又有補不入原匣者甚有乘科院之互更沒奸胥之囊橐者虛貯之缺大率坐此今皆為令不足色足數不收如收有不足不當時補完不許封本匣彼雖喙長三尺同事者持之力而行之久掛欠當自絕矣。

一議防察

吏胥之鑽營庫役者非獨包攬事例需求外解而偷竊之巧更自不貲其術難更僕也。聞選時有製一通身衣者所盜銀兩從袖中直入襟內今令短衫裸臂庶幾身無厚藏乃法馬之潛換有弊焉其呈驗者數火而稱兌者數多也此借商匠以為竊者也諸胥之雜沓有弊焉一人看銀一人敲兌其餘搶攘皆亂我指視也此叢左右以為竊者也銀匣之出入有弊焉或以支存而混稱空匣或以全匣而暗置別隅其在日暮尤易也此乘倦忽以為竊者也察之者目到耳到口到手到心到無一滲漏則幾矣。

一議餘錢

住時借公餘為各天平左放右收一秤已差四五兩。賦兌中輕入重一人常差數十兩究竟朝廷所得幾何部司所用幾何徒令胥小屬膜可恨也。今本科題革餘銀嗣後奏繳勿宜復言報羨而部司公費以銀錢九一兼支之法扣餘錢抵之仍遵照先年題准事理一應餘錢錢支用俱赴巡視衙門掛號庫官另置一簿登報開銷其公費規則曾經前巡視議減茲復移四司覆訂刻定一冊另置胥中及該庫備照凡冊所不載不得擅增擅取亦違嫌急公之誼也。第觀吏胥賦兌之間終有攫取錙銖之意不知此法一

皇明世法錄 卷三十八 庫

五

一議覆兌

餘銀既革賦兌宜平計解領買役無所用其買囑矣。第商匠人等與庫胥相為窟穴者也得微有兌出反重而以正數歸商匠以浮數取自潤者乎此孔一開非索于外之溢入即益乎內之正供謂宜將取放銀兩先兌明原數而後支放放完復兌明支存而後結

算如支存短少即責令獻兌諸役賠補蓋原發既明諸役更何詞展辯也若于獻兌時間行不測之法暮掣一秤親目覆試驗有欺弊庫役與領役以通同論罪仍沒其應領之數還官則法嚴知畏誰敢復蹈前車耶

一議那借

四司錢糧各有額數邇來擅自那借主者不聞遂令一庫之內雜亂不清且致騙領之奸營求日甚今後除典禮軍興有必不能不借者各司關白停妥移會給發仍應立限補還其餘四司原有四吏在庫責令分管各司錢糧不許一概擅那擅則罪及該吏庶諸者可以杜浮濫竊者可以備非常亦守財之善物也

一議交盤

歲終奏繳所報出入之數率據案抄略即監督更差其盤驗止于一人經手錢糧而前此舊貯不問也無論偷盜之雄先年有從兵部穴地入庫者即本科偶掣舊存一匣試之內短少輒至四百金其可委之為河南南陽耶向來掛欠不入原匣餘銀聞借正支積弊相沿已非一旦然補者還者畢竟歸于何處因一

匣而疑一庫因一人而疑眾人引絕此限害且滋蔓業經再三稟會請四司呈堂約日各將庫存項下銀兩盡數通盤如有短少作何抵補如無抵補作何支放此係該庫大弊及今不一查明長此安窮也本科有鑒于此特申明會查之法不但四司宜與該庫會更宜與大工十庫各巡視會緣此放彼銷彼無此買首尾相關必互覈斯無遺漏而况該庫自貯之物奈何憚數日之辛勞慮前人之嫌怨遂貽不白之局為後來口實耶每歲限一通盤斷不可少

一議近習

皇明世法錄 卷三十八 厥庫 三議
工部各衙門吏書與厥庫吏書向來線索相通未有作弊而可諉于不知情不分賍者故連坐之禁宜嚴也然事發止一參送而不革其頂首若輩供扳則有買求認罪則有幫貼三本視為奇貨因固等于福堂未幾脫網仍挾重貲別營一窟而揚揚明得意矣豈法至若輩而果窮耶計其頂首各不啻數千金若輩所貪戀而不忍割者獨此耳自今除新役及輕犯外如果係衙門積蠹慣作翻身飛海諸弊者一經參題即先革其頂首并窮其同謀分賍之人審有實跡不論何衙門一體參革夫曲庇左右惡名也諒賢者

所不願受也

一議報商

鋪商買辦物料乏則報僉其初固未嘗不樂就也自苛求鋪墊勒索例規而關領之價盡奪為浮費及追比無奈則身家妻子隨之鋪商之苦于是乎不忍聞矣且欲報一家而望門赫訐先已貽害數十家即報有數十家而中肯傳免究竟不能得一家故本科于戊申受事僉報屆期不端建為貼役之議止令四司各募勤慎慣練者數人給以見價贖充買辦迄今六七年未聞違誤正供而都民且稍獲安枕則商之

皇明世法錄

卷三十八 賦庫

天議新

一議會收

盛王二廠所轄硝黃盛甲刀鎗銃藥戰車諸物料戊字庫所收外解盛甲腰刀弓箭弦條各軍器俱設有監督亦俱預以內官惟內官利在鋪墊每致監督掣肘而器料俱不如初巡視者與監督約日會收按成法而稽驗之硝黃必須盆淨盛甲刀鎗必須堅銳火藥必須迅利戰車必須便捷弓箭弦必須道勁有不

合原式者或駁或參具有往例近更議硝黃不入內庫以防撓換軍器刻官匠姓各以嚴責成每驗畢即批入會收簿以憑稽查出給

一議鑄錢

寶源局位四司鼓鑄之役所患者銅難精商難召近議分隸四司各任其責良有深見巡視者與監督驗收必以真正四火黃銅為率其銅當堂鎔化每包除正耗十三觔三兩外再鎔折者責商賠補然鎔太久則虧商鎔太速則虧爐役斟酌審視以烟之青白為度此驗銅之則也第巡視所面鎔者十百之一二耳

皇明世法錄

卷三十八 賦庫

天議新

一議鉛鐵

鉛鐵二物工料急需向來巡視多不會收即監督亦忽為細務低假短少勢所不免且聞有盜賣于各商者此亦一漏卮也

一議陵工

山陵橋梁等役距京既遠查開較難必題有專官移駐工所夙夜身親監督庶可責其成功乃其所移